

河東鄭氏族譜

舊書序

譜曰大哉祖系之重猶木之有根猶川之有源千枝一根萬派
同源不尋其源則不得其流之所自來也不探其根則不知其
本之所從出也是以古之人爲之譜而傳之後昆使其先所
由出也苟無其譜則雖有其身而尚昧乎鼻祖之出於何雖有
其姓而不知同姓則雖視姓親而如視道人思之痛澁矣吾家
所傳之譜門族鳳秀藏其家而失諸東賊則得之望絕慨歎者
久矣尚幸進士公諱彭壽所藏之譜獨免其兵火欣然自得奉
斯圭復世系之難記者歷歷昭然矣又有庶族印觀乃門中古
老人而能通世系故詳問其言而參考前譜則尤可明信矣而

第可病者河南姓派都載之譜終未得見故遠在之族莫知其
詳不能盡記只以所獲之譜書于左以為一門傳覽之資欲使
今之諸族後之來裔一以視祖宗之源一以明同姓之重追遠
百世之上而無忝厥祖博愛九族之親而不墜箕裘則斯譜之
成實有關於雍睦之道也源同根一親親有殺則厚族之義豈
止於本宗哉是故不計內外之疎切尊卑之分義列書並錄以
廣厚族之義云

萬曆季秋既晦迷齋天璣謹誌

河東鄭氏族譜

甲寅序

於戲族譜譜其族而謹宗法廣親愛之道也是故蘓氏曰觀吾之譜者孝悌之心油然而生程子曰收宗族厚風俗須是明譜系譜牒之有關於世教者若是濃且重矣上以明祖宗之昭穆下以叙子孫之倫序而溯其本源則為一相達其支流則為千孫其某派分別某年生卒娶某女嫁某子科宦履歷墳墓坐向昭詳懸錄如懸鏡照物此譜牒之所由作而為氏族之寶鑑也然但修其本而不務其實則烏可謂謹宗法廣親愛之道也哉惟我鄭氏世譜厥惟久矣但當日之事失於忽劇拘於浩汗有不免踈漏者多矣况我綾派之宗支誤刊不得不釐正故先府

君臺隱公嘗以是痛恨曰更修派譜以明宗支來歷使後孫洞
知本系云矣幸茲今春僉議詢同以修八綾先祖少尹公子
孫一派之譜牒詳加釐正實為吾門之盛事尤豈非先進諸君
子之遺志耶余以無似猥叅有司之任因其舊乘而修潤之詳
梓之或有可改者改之務盡精詳無有嫡庶混淆者果免舊譜
先賢之重責耶本支來歷不敢不禰而至若簪紱之榮科甲之
盛忠孝文學之義已悉於先輩長老之序跋故今不敢疊床而
謹述派譜繼修之梗槩云爾

關逢攝提格寓月上休後孫禹鉉謹序

河東鄭氏族譜序

凡天下之事博則雜約則精雜則心疑而情散精則志專而氣聚志專氣聚則理得順而事必諧矣此吾河東氏今日之譜寧一派而不同也蓋譜所以尊祖而敬宗自先祖少尹公推吾尊之之心上以至於始出之祖自同派之宗推吾敬之之心傍以及於編外十百群派之宗於是乎大同之意隱然備具於編中烏可以編內編外有所彼此遠近而踈戚厚薄之殊也然則譜于簡不若譜于心心既同矣簡之未及大同不足為久事惟我鄭氏自羅麗止 洪陵千百餘稔祖先之顯勲壯蹟道德文章有足列於東方甲乙其間修譜非止一再而或精或混此甲

寅派譜所由釐正者也然事有宜泥古今亦殊損之益之抑非今日之得宜乎此不可以怨於天而尤於世只在自求之如何先世忠孝之德勤儉之功積之累之以受報酬於天致此難天之成立此理勢之所以然也夫乘除數也剝復氣也理之所順數與氣亦不得不從而順也惟諸宗須益篤志氣以體先祖當日之心聿修厥德日月征邁思無忝而以貽後則斯其順乎理也理既順則既除之數將可乘矣既剝之氣將可復矣其受天之報有不足筭也以余在有司之列命以弁文遂書心中所講之義以塞責也

屠維單闕端陽月下澣後孫玟鉉謹序

後序

此下序當在第一卷序後而因上系詳可屈迫促未及矣今錄之耳

吾家世譜之纂始年于庚申繼修於乙巳乙亥戊戌又有甲寅之五等譜但戊戌譜謬係宗支之序矣故重加釐正於甲寅譜此則庚乙甲四等譜特竝信來裔為吾家之勤守也宜亦戊戌譜終為不及也然不以故意相糺乃知人家隆替之狀瞭然於此而尚可為吾家五等之大譜也嗟夫今日則世與人異謀久矣吾譜雖無失宗支謬係之釐正終使俛默於嫡庶之識別推驗其為來世如得展卷指吾譜曰是合庚辰之譜者耶其亦可悲也已矣然以今人生世變惟譜難不其然哉以其不譜之族觀之吾鄭收族一事適反其本得無可恨况乎無畔渙漫滅之

惠於異世哉所以今日汲汲吾譜而毋徒屑屑焉者也如有所
失後之追數吾過亦自爲幸云爾

迷裔珠鉉謹序

管攝人心敦厚風俗莫善於明譜系收宗族而明譜系收宗族
其在今日實爲切要急務也蓋人之行皆源於孝而孝之爲道
尤在於以祖宗之心爲心夫宗支嫡庶之分遠近親疎之別勢
不可已者而祖宗之心則均視子孫爲其后孫者豈不思所以
聚族敦親之道哉噫吾鄭之修譜其規模節次始著于庚乙而
乙亥己亥但繼述而有失莫追此大譜也及於甲寅派譜始成
規模之嚴所自出之詳已備於列先進舊序中今不必架疊而

今去甲寅雖不滿一修之年歲以其時則可矣且人之情近之則親遠之則疎而疎則易散散則難合顧念今世尤異於前人自為心近者不可恃散者難得復收若不大家用心務合以親之則其不為祖宗之罪人者鮮矣諸宗為是之懼合謀聚議續修甲寅譜之成例凡我同譜之宗為念祖宗之心毋忘百世一室之親此又今日修譜之第一義諦也詩不云乎毋念爾祖聿修厥德願各勉旃

后孫龍相謹叙

夫譜者籍其族派明其昭穆以做得不替之久遠而親親之道所由生也國則親親而仁民家則親親而厚遠國之本在家家

之興替固由乎斯道之成不成故修其譜而推所自親親之道如是則遠而近疎而親修譜之義寔歟美哉惟吾鄭族派渙然散居不可謂不闕閱上既有累等修譜肇自乙巳大譜正實規模明盡統序世代之正脉昭然如鑑者我曾祖考杏汀公諱在英愜同大宗心力至切於功不尠降至于戊戌五寸叔圃翁公諱淳鳳繼承祖武而明精爲急未及騰梓遽爲下世竟未遂素擬故間有淆誤又多簡略於耳目悶悶不已至于甲寅顧以無似猥叅修譜任末而實賴夫規嚴迷得光明謬始歸正矧乎今年修譜亦辭不得免其責者乎僉議詢同因本乘修潤利成巨創豈非先靈默佑之驗且某某族丈之彈力至矣盡矣然自念

才素愚昧固所不堪以繼述自居焉竊願諸宗恒以親親二字
為佩服銘鏤亦安知無有補於永久昌大之漸蓋修譜外也修
德內也幸勿以修於外者為吾門事已畢益加篤厚無忝祖德
永守追遠之心厚享祖宗積德之蔭莫替花樹敦睦之誼矣豈
不美哉

後孫祺采謹識

譜法之廣莫盛於我東而遠收同貫為大譜就同貫各祖其顯
為派譜我鄭貫河東者有大譜焉有派譜焉以今最近者言則
甲寅派譜尤詳明無遺蘊矣蓋譜法與史法相表裏故史失而
求諸譜廣其規例恢其範圍合成大譜非不完美然世代之遠

天之所以分也居住之遠地之所以分也天地之分人不能不
分理勢之所必然古者譜四世四世爲篤近篤近而後可以及
遠近不篤而遠可及未之有聞惟我少尹公派八紱之祖爲
叅判公諱仁貴而卽余十六世祖也子姓蕃衍千百爲家人人
篤近遠之不及非所憂矣今日之譜悉據甲寅義例以少尹
公後孫釐成三局始於往年越一周而克竣是役也族兄淳昱
氏實尸之某某諸宗各殫誠力終始惟一而淳南亦與有聞焉
命一言識其顛末顧人微文下猥不合黽勉然收族明系爲當
今急務不可以一二之難於句斷緩之也謹按舊譜諸序未嘗
不眷眷於紀綱之或有不振致意不啻重複亦以一新前誤爲

盛舉敦睦孝友爲門祚斯其至矣淳南更何述焉凡我同譜諸
族自今譜溯至甲寅推及於乙亥又溯而上之於乙巳大譜有
所叅觀則篤近及遠之義兼舉無闕而規模之得失庶可以折
衷矣略叙其梗槩論于來裔

後孫淳南謹識

河東鄭氏舊書譜重修跋

謹按世家素稱巨族出自河東顯揚麗朝勲名事業炳然于東方豈以盡記而識哉至中顯大夫公諱賢佑乃判書公諱翊之孫也而文章德行實爲當世之所推則寔我所譜之中始祖也舊籍遺譜失於兵燹邈無可徵矣然而迄今子孫繼繼繩繩尚保青氈之姓名者豈非我先代廕補之力哉第恨大譜未成蓄此曠感者久矣今年辛未歲末與諸宗同會于雙峯寺遂仍前代所修之譜更錄今日之苗裔而歷代事實亦多疎畧湖南姓族尚未悉舉京都宗派亦安所據河南河源仍存目錄而宗姓則詳其配與墓所外裔則僅及子女之子而謹成一卷之譜以

俟後之來裔如有博識賢孫更出于後上自鼻祖下及雲仍詢
聚京外疏派都載一源終成大譜則豈不幸哉豈不休歟
崇禎紀元後壬申正月二十二日 迷裔時範謹跋

河東鄭氏族譜

甲寅跋

吾族之有譜厥惟舊矣明萬曆族先祖正郎公諱天璣始草派譜系代有序昭穆不錯若網之有目而不紊源之有派而不混也為後世之模範者豈不韙哉 崇禎後戊戌皇高祖敬菴公繼而修正宗支嫡庶之分昭然如龜鑑續修之義于有光於前矣其後十三年綾羅兩派合成庚戌譜又十年與京鄉諸宗聯成庚乙大譜宗支之系嫡庶之分尤為百世不易之正脉則始知其 萬曆譜一卷實為吾門傳授之規模矣至乙戌兩等譜惟我綾派改易先世所整豈不無後世之齟恨者耶其於尊祖敬宗之道不可以恬然故族孫淳綱欲其增飾修潤於先進所

正而先倡斯論其惓惓懇幅感人心腹見於耳目者累矣三從
在翰氏遂與中鉉堤鉉淳昱淳模合謀鳩財鉁梓允允箇月而
功告訖久不覺祖先積累之力至於如斯之易也其規模允例
一依乙巳譜而配室卒終混而無別後來者易知其庶之為庶
難矣而財力不贍且無昭穆圖亦為一欠處耳噫後之繼今日
之役者猶今之續夫乙巳之規則豈非吾族之美事也哉戊戌
後百三十七年甲寅六月上休後孫在禹謹跋

河東鄭氏族譜跋

謹按吾先世譜牒始於萬曆書譜繼有庚戌道譜庚申乙巳之
大譜乙亥巳亥又繼修而乙庚兩譜其嫡庶宗支嚴密昭然矣
及夫乙巳兩譜急於濟事未及精考而類多綱紀紊亂嫡庶混
淆舊章遂廢此宜乎甲寅派譜之前後疏辨而迪我先烈庶
無遺憾者此也仍念夫為人後者考論其先若欲辨其不明傳
其難信相遷於上宗易於下虛實無稽此豈不易之義哉又豈
不愆不忘昭假列祖之心哉如或以乙巳兩譜濫知其無稽
而難於紛更若安於株守而示之循常則其於吾尊祖敬宗
之道以爲何如哉且思子孫之流離他鄉累代漏譜者不無漫

渙之患安知異時因其失考設有合譜於後且恐使後之修譜者益滋迷疑之惑則此事亦豈吾門少事耶幸自往年秋門議齊發欲準之於甲寅譜釐正所失為始此其為猶將多厥猷翼翼亦豈非忘近患而圖遠者耶譜是吾少尹公子孫一派之譜所由修也凡厥規例定分立紀損益以一之者在昔當行之道也屈伸相待剝復交乘隨機而變易者今此必然之勢也淳昱恭承門議妄荷校勘之役而刊事將行諸父兄命淳昱為跋文淳昱固辭不獲已則繁言諸父兄之意而已余既不欲言他已具於舊譜云甲寅後二十六年端陽月下澣不肖后孫淳昱

謹跋

後跋

此下跋文當在第一卷跋後而因上系許可屈迫促未及矣今錄之耳

凡氏之有譜猶國之有乘也吾鄭之貫於河東者厥惟久矣諱道正當麗太祖統合時因守其地佐成王業是爲本貫始祖也自是以降道學嫡傳忠孝卓異奕世無替寔不後於簪纓世族之家矣然而歷代旣久後屬疎遠同族同於路人則其所以收宗族序昭穆而明人倫者非譜而何只以少尹公爲派而其下子孫並錄條例簡嚴予奪正當不規規於大同而纔成一派之信史是則可慨也矣見今天顯民彝無地可講則在私家承先牖後之政固莫先於修譜一事此吾譜之所以不可不釐正者也昔歐陽公書其譜曰傳於吾家者以忠事君以孝事親以

學立身惟吾諸宗誦法是說胥勗而交勵焉則非徒保族裕後
亦將安知有復振之日乎役旣訖一門長老命余跋文余以不
文辭辭不獲略叙顛末而猥記焉

後孫前叅奉淳瑚謹識

近世人家之合族修譜者所在莫不以大同爲事蓋所以收一
姓之衆昭百代之系以明屬愈遠而統紀愈不可不一也其規
美矣然族繁則勢難合力距則論易歧與其圖難合之事待易
歧之論寧約之爲派乘家譜以特詳其所自人各如此苟異日
合之則大同耳豈不約而易就歟我鄭散居國中甚繁屢謀修
大譜而事未果集己卯春門議斷自吾叅奉公派爲乘三冊而

規凡壹依甲寅己例族凡淳昱氏實尸其事而以淳亨亦與有
勞故命識一言淳亨竊惟今風渝俗澆人理墜地甚且至一家
之親屬睽乖不相爲謀而今茲之役闔族胥應無貳無沮克底
卒事良由祖先以來孝弟敦信之風式至今傳而勿替故爾可
不以爲幸乎旣幸矣又冀後人之亦能繼之也庚辰孟夏叅奉
公十五世孫淳亨謹識

河東鄭氏族譜卷之一

總編

始祖

鄭道正

(下) 團鍊鄉兵名於三國之季

一世

碩崇

(下) 碩一云石高麗縣吏○子卓申

二世

卓申

(下) 申一云伸○子義均

三世

義均

(下) 子延叔

碩崇上

碩崇卓申上

天

河東鄭氏族譜卷一 總編

四世

延叙(下)權知戶長
子國龍國僑

碩崇
卓申義均(上)

五世

國龍(下)仕高麗高宗朝陞奉翊大夫
撰文獻公曾孫縣監公諱大民墓碣云
贈匡靖大夫密

碩崇卓申
義均延叙(上)

直副使○墓河東府東赤良面緞谷甲坐石墓○子芝衍蘭衍
○五世孫諱麟趾以三道巡察使到河東客館懸板詩序有云
諱國龍以前省吏於縣自高祖諱芝衍致仕都僉議贊成事判
選部事始離鄉由純相戊寅十七世孫遂榮撰神道碑文琴
鶴堂李學緒書高宗己亥二
十一世孫承旨恭鉉撰墓閣記國僑晉州道洞派

六世

芝衍(地)麗史芝作之○仕忠烈王朝解華語累使元至元間為
中郎將丁未屢遷左常侍忠宣王己酉授同知密直副使

卓申義均
延叙國龍(上)

癸丑拜重大匡都僉議贊成事判選部事載麗史○按世紀
表云公善屬文工書畫時忠烈王八元居甥館日與趙孟頫等